

# HILLCREST HIGH SCHOOL

ISIZULU ULIMI LOKUQALA LOKWENGEZA



**UKUHLOLWA KUKA- JUNI**

**IBANGA LESI-12**

**IPHEPHA LESIBILI (P2)**

**ISIKHATHI : AMAHORA AMA-2**

**AMAMAKI:70**

## IMIYALELO KWABAHLOLWAYO

1. Fundisisa kahle imiyalelo ekuleli khasi ngaphambi kokuphendula imibuzo.

2. Leli phepha lineziqephu EZIMBILI

ISIQEPHU A: Inoveli (35)

ISIQEPHU B: Umdlalo (35)

3. Phendula imibuzo EMIBILI kuphela, umbuzo OWODWA esiqeshini NGASINYE .

ISIQEPHU A: INOVELI

ISIQEPHU B: UMDLALO

4. Bhala izinombolo njengoba zibhaliwe ephepheni le mibuzo.

5. Landela imiyalelo esekuqaleni KWESIQEPHU NGASINYE.

6. QALA ISIQEPHU NGASINYE ekhasini ELISHA

7. Bhala ngobunono nangesandla esifundekayo

### OKUQUKETHWE:

Leli khasi lizokusiza ukukhetha imibuzo ofisa ukuyiphendula ngaphandle kokufunda yonke imibuzo.

ISIQEPHU A: INOVELI Phendula noma yimuphi umbuzo OWODWA kulesi siqephu.		
IZINOMBOLO ZEMIBUZO	AMAMAKI	IKHASI
1. <i>umshado</i>	35	3-5
ISIQEPHU B: UMDLALO Phendula noma yimuphi umbuzo OWODWA kulesi siqephu.		
2. <i>Icala kaliboli</i>	35	8-10

## INOVELI: UMSHADO – N Zulu

### UMBUZO 1

Funda iziqeshana EZIMBILI ezingezansi bese uphendula imibuzo ezolandela.

#### ISIQESHANA A

'Ngicabanga le nkulumo yakho. Yini ungafuni ngeshele ngoba ngiyakuthanda?' Asho la magama maqede aphulule isihlathi sikaTholi kancane uBheki. 'Sengeshelwa ngaqoma, ngagana, ngafelwa.' 'Kahle bo!' 'Impela kunjalo. Bengithi ubonile ngifake izingubo ezimnyama.' Aphenduke **isimungulu** futhi uBhekani uma ezwa le ndaba. Asuke agqolozele uTholi emehlweni. Ambambe ehlombe. Amsondeze kuye kancane. Kuthi uma sebezogabulana, ahlehle uTholi. 'Wenzani manje Bhekani?' 'Ngizama ukukukhombisa ukuthi asisekho isidingo sokuthi ngeshele ngoba sengikuthandile. Anginandaba nakho konke lokhu okushoyo.' 'Uma kukhona ofuna sikukhulume Bheki okuqondene nokuthandana, linda ngize ngikhumule inzilo.' 'Kungcono ngiqale ngibeke inkinga yami Tholi kuwe kuqala. Mina ngibona sengathi uwenona ongaxazulula inkinga enginayo. Kungcono-ke ngoba kanti vele ushonelwe umkhwenyana.' 'Lalela-ke Bheki. Ngilapha nje ngibalekile. Ekushoneni kukababa wakithi, umfowabo wabe esethi uzongingena. Ngangingamfuni nhlobo. Ngathi nyawo zami ngibelethe. Njengoba ungibona ngilapha nje, ukuzisondeza kwakho kimi kungakudalela ingozi. Uyangifuna uBhatomu, futhi ungifuna ngenkani.' Kwathuleka endlini. Basuka babambana ngezandla uBheki noTholi bebhokene emehlweni ngqo. Wazizwa efudumala kancane uBheki, ethintwa ibele li kaTholi. Wayibona leyo nto uTholi wahlehla, wathi ukuhleka. 'Uhlelani Tholi?' 'Ngiyayazi into engiyihlekayo, khululeka nje wena. Ngibona sengathi kuzofuneka sibonane khona kusasa mngani wami.

- 1.1 Bakuphi laba abaxoxayo kule ndaba? (1)
- 1.2 Isiphi isizathu esenza uTholakele agqoke izingubo ezimnyama ngokwalesi siqeshana esingenhla? (2)
- 1.3 Iyiphi inkinga uTholi ayitshela uBhekani ngalolu suku? (2)
- 1.4 Khetha impendulo efanele kwezilandelayo:  
Isimo sokukhuluma esithi ' Aphenduke **isimungulu** futhi uBhekani sisho.
- A. Akhulume kakhulu.  
B. Athule du.  
C. Abuke ngamehlo.  
D. Akhale. (1)
- 1.5 Ngubani umlingiswa oqavile/omkhulu kule noveli? Sekela impendulo yakho ngephuzu ELILODWA. (2)
- 1.6 Ikuphi okwakungahambisani nesiko okwakwenziwa umlingiswa uBhekani kule noveli. Bhala Iphuzu ELILODWA (2)

- 1.7 Hlaziya le noveli ubhekise kulokhu okulandelayo:
- 1.7.1 Isisusa sodweshu (2)
- 1.7.2 Isizinda sendwawo (2)
- 1.8 Chaza ukuthi laba bantu abalandelayo bazana/bajwayelene kanjani?  
UZenze noTholakele (2)
- 1.9 Tomula umusho osesiqeshini ositshela ukuthi uTholakele wayesazilile. (2)
- 1.10 Ngokwalesi siqeshane ( according the extract) ikuphi okuyiqinso okwashiwo uTholakele kuBhekani. (2)

### KANYE

#### ISIQESHANA B

Wasukuma uBhekani waqonda kunina. Wayazi ukuthi useyombuza ngoTholakele.

“Awukafuni ukwehlukana nomfelokazi namanje?” Ibindwe isidwa kuBheki. “Ingani nanamhlanje kuthiwa ubumhlangabezile?”

“Mama, ake unginike ithuba ukuze ngikuphendule kahle. Okufanele ngikusho nokho ukuthi uma umuntu usumthandile konke okuseceleni akube kusabonakala. Uthando lwami lube lukhulu ngaphezu kobufelokazi bukaTholakele mama. Bengizomthanda engumfelokazi engesiye.”

Unina kaBheki wavele wacobeka .Wathula du. Kwacweba izinyembezi emehlweni.

“Makhulu amagama owashoyo Bhekani, kodwa angiboni ukuthi uyihlo uzozwana nalesi senzo sakho. Uma kuya ngokuthi ufuna ukushada nalo mfelokazi ngempela , kuyomele uyoshisa impepho ucele kwabaphansi.”

“Sengedlula kulezo zinto mina mama. Ngizoshada noTholakele kumnyama kubomvu.”

“Ungakhohlwa ukuthi umfazi owabadala akusiye owakho. Wena uyamletha kuphela.Uma bengamfuni ngeke ahlale nokuhlala lapha ekhaya.”

Indaba kaBhekani basheshe bayiyeka baxoxa ezinye. Emva kwalokho behlukana sebeyolala. UBhekani waphupha ehlezi noTholi beqabulana. Babehlezi kamnandi kuleyo ndawo baze bathikaziswa uZenze. Emva kwalelo phupho waphaphama uBhekani. Kwasekusile vele.Wethuswa ukuthi yini athikaziswe uZenze ephusheni. Wasuka lapho waqonda esikoleni.

- 1.11 Wabe esebenza msebenzi muni uBhekani? (1)
- 1.12 Tomula umusho esiqeshini okhombisa ukuthi uBhekani wayengakholelwa emadlozini. ( He did not believe in ancestors). (2)
- 1.13 Chaza uhlobo lodweshu olutholakala esiqeshini esingenhla. (2)

- 1.14 Imaphi amazwi ashiwo uBhekani ayekhombisa ukuthi umthanda ngokweqiniso uTholakele. (2)
- 1.15 Ngabe umlandi kule noveli ungomunye wabalingiswa .Yebo noma Cha Sekela impendulo yakho. (2)
- 1.16 Isiphi iseluleko (advice ) umama kaBhekani asinika indodana yakhe uma igcine ithathe isinqumo sokushada noTholakele. (2)
- 1.17 Uyazwelana yini noBhekani kulesi simo azithola ekuso kule ndaba? Sekela impendulo yakho ngamaphuzu AMABILI. (2)
- 1.18 Ukuba wawunikwe ithuba lokweluleka uTholakele ngokuthandana kwakhe noBhekani ikuphi owawungamluleka ngakho . Bhala amaphuzu AMABILI. (2)

[35]

**AMAMAKI ESIQEPHU A: 35**

**ISIQEPHU B: UMDLALO**

**UMBUZO 2 :ICALA KALIBOLI – VM Mbhele**

**Funda iziqeshana EZIMBILI ezingezansi bese uphendula imibuzo ezolandela.**

**ISIQESHANA C**

**(KukwaMaNsibande. Kusanda kungena uSonto noNhleko )**

- MANSIBANDE : (*Ngokumangala*) Sanibona Sonto, kwenzenjani? Wafika nabantu boMthetho?
- NHLEKO : Ungethuki Nkosikazi. Mina ngingumseshi uNhleko. Kasizile ngobubi .Sidinga usizo lwakho nje, esethemba ukuthi sizoluthola.
- MANSIBANDE : (*Esathukile*) Mina nginguMaNsibande. Kwenzenjani?
- NHLEKO : Siyadabuka ukukwazisa ukuthi uMfundisi Zondo uhlaselwe, utholakale edutshuliwe, njengamanje ulimele kakhulu esibhedlela.
- MANSIBANDE : ( ***Ethwala izandla ekhanda***) Hawu! Hawu! NgoMfundisi nkosi yami woneni nje, kubani?
- NHLEKO :(*Ngezwi elinozwelo*) Nathi sizwe ubuhlungu nkosikazi. Impela siyadabuka, sizwelana nani.
- MANSIBANDE :(*Esula izinyembezi emehlweni.*) Kodwa ngomfundisi pho!
- SONTO : Nami ivele nje yangethusa le ndaba ntombi.
- MANSIBANDE : Hawu! Kodwa ubangiswani uMfundisi? Kanti banjani abantu emhlabeni bakithi? Bambulala ebe enzeni nje uMfundisi?
- NHLEKO : Kusolakala ukuthi kumayelana nemali ngoba kukhona etholakele endlini lapho edutshulelwe khona uMfundisi.
- MANSIBANDE : Washo ngabona, kade befuna imali yomnikelo. Kodwa beyazelaphi ngoba indaba yemali ibiphakathi kwethu sobathathu?
- NHLEKO : E. Ngizodinga usizo lwakho-ke dadewethu.(*Ekipha ibhukwana*) Ngingakubuza imibuzo embalwa?
- MANSIBANDE : Yebo, ayikho inkinga.
- NHLEKO : Umgcine nini uMfundisi?
- MANSIBANDE : Izolo ntambama.
- NHLEKO : Bekungaba ngubani isikhathi?

MANSIBANDE	: ( <i>Elokhu esula izinyembezi.</i> ) Bese ligamagxile ihora lesikhombisa.
NHLEKO	: Ingabe ukhona yini umuntu enimgibelisile endleleni?
MANSIBANDE	: Cha , impela akekho.
NHLEKO	: Kuyiqiniso ukuthi ngenkathi nigcinana nobathathu benikade nibala imali yomnikelo negcine ihambe noMfundisi ?
MANSIBANDE	: Yebo kuyiqiniso.

- 2.1 Bakuphi laba abakhuluma kulesi siqeshana esingenhla? (1)
- 2.2 Wabe esebenza msebenzi muni uNhleko? (1)
- 2.3 Unasikhundla sini uMaNsibande esontweni? (1)
- 2.4 Bhala isibongo sikaMfundisi okukhulunywa ngaye kulesi siqeshana osifundile ngenhla. (1)
- 2.5 Chaza isizathu sokuthi kubulawe uMfundisi kulo mdlalo? (2)
- 2.6 Le ndawo ekwenzeka kuyo lo mdlalo inomlando wobugebengu. Sekela lo mbono ngamaphuzu AMABILI. (2)
- 2.7 Kwaba namthelela muni empilweni kaSonto ukuphuma kukaMthofi ejele. Bhala amaphuzu AMABILI. (2)
- 2.8 Khetha impendulo efanele kwezilandelayo:  
Isimo sokukhuluma esibhalwe ngokugqamile emshweni ongezansi sichaza:
- Ethwala izandla ekhanda:**
- A. Ethetha  
B. Ekhala  
C. Ejabula  
D. Equleka (2)
- 2.9 Ngabe IQINISO noma IPHUTHA ukuthi imali yomnikelo yayivamisile ukuhamba noMfundisi? Sekela impendulo yakho ngamaphuzu AMABILI (2)
- 2.10 Yikuphi okwenziwa nguDlamini kulo mdlalo okukhombisa ukuthi ungumlingiswa othanda imali? (2)
- 2.11 USonto wakwazi ukusebenzisa ubuhlakani bokuthi angasoleki emacaleni ayewenza kulo mdlalo. Fakazela lo mbono ngamaphuzu AMABILI. (2)
- 2.12 Ingaphandle le ncwadi (ikhava) linesithombe somuntu obambe imali, lokhu kuhambisana kanjani nesiphetho salo mdlalo. (2)

### KANYE

## ISIQESHANA H

(Kusebusuku uSonto uyaqoqa izinto angahle ahambe nazo. Usenqume ukuthi avele avuke ekuseni ahambe engaziwa ukuthi uye kuphi)

- ZINHLE : (*Ekhathazekile*) Sizo buya nini kwagogo *mummy*?
- SONTO : (*Etatazela*) Sisi, umama uzofike akushiye kwagogo bese yena eya kwenye indawo.
- ZINHLE : Ikuphi leyo ndawo ?
- SONTO : Kude mntanami. Umama kukhona asafuna ukukulungisa.
- ZINHLE : *What* about isikole?
- SONTO : Uzofunda uhlala kwagogo sisi.
- ZINHLE : Mina ngeke ngifunde emapulazini.
- SONTO : Ayikho into ezokwenziwa mntanami.
- ZINHLE : Sihambelani *mummy*?
- SONTO : Sizodayisa lo muzi.
- ZINHLE : *Why*?
- SONTO : Mntanami njengoba ubaba wakho engasekho akusemnandi lapha ekhaya.
- ZINHLE : Izitolo zika *-dad* zizosala nobani?
- SONTO : (*Ngokucikeka*) NoNtshangase , ummeli kababa wakho.
- ZINHLE : *Why*? Angithi ukhona wena, *why can't you look after the businesses*?
- SONTO : (*Ephfumulela phezulu.*) Umthetho uyenqaba mntanami.
- ZINHLE : *What* about abangani bami *mummy*?
- SONTO : Uzothola abanye sisi. (*Ebambe ukucasuka.*) Hamba manje uyovulela amanzi ebhavini ikhona sizogeza.
- (*Kukhale iselula kaSonto. Waqala wangabaza ukuyibamba uma ebona ukuthi kushaya uMthofi. Iqhubeke ikhale. agcine eyibambile.*)
- SONTO : *Hello.*
- MTHOFI : ( *Ngolaka*) Kwenzenjani manje? Awusafoni ngani ngoba uthe uzongithinta uma ubuya kummeli wakho?
- SONTO : Bengingeke ngilale ngingakuthintanga.
- MTHOFI : Uhambe kanjani kummeli?

SONTO	: Khululeka Mthofi, yonke into ihambe kahle.
MTHOFI	: ( <i>Ejabule</i> ) Zamnandi lezo zindaba! Ngizofika lapho emzini wakho ebusuku.
SONTO	: Hhayi Mthofi, ngeke kulunge.
MTHOFI	: <i>Why?</i>
SONTO	: Kuzothiواني nje? Ngiqeda kushonelwa indoda, sekubonakala amanye amadoda lapha ekhaya?

- 2.13 Ukuveteza isiNgisi kukaZinhle kusivezela ini ngesizinda senkathi kulo mdlalo? (2)
- 2.14 Ngamaphuzu AMABILI Chaza okwenziwa umlingiswa uMbhele ukuze avikele ifa lakhe kulo mdlalo. (2)
- 2.15 Hlobo luni lomdlalo lolu ngokwendikimba? (2)
- 2.16 Tomula umusho esiqeshini okhombisa ngokusobala ukuthi uZinhle wayengahambisani nesinqumo sokushintsha indawo esiqeshini. (2)
- 2.17 Ukube wena wabe unguMaMkhize wawungameluleka uthini umzukulu wakho enkingeni ayebhekene nayo. Bhala amaphuzu AMABILI. (2)
- 2.18 Qondanisa IKHOLOMU A neKHOLOMU B.

IKHOLOMU A	IKHOLOMU B
2.18.1 UToronto	A. Isisusa sodweshu
2.18.2 UMaNtuli	B. Washonelwa uyise
2.18.3 Umona	C. Isigwili sendawo.
2.18.4 UZinhle	D. Isigebengu
2.18.5 UMbhele	E. Wabulawa ngokudutshulwa

(5x1) (5)  
[35]

AMAMAKI ESIQEPHU B: 35

AMAMAKI ESEWONKE: 70